

福建巡撫 王凱泰
 福建巡撫 文煜
 福建巡撫 李鶴年
 福建巡撫 沈葆楨
 福建巡撫 總理事務 戶部 沈葆楨

奏為台南脅從番社悔罪輸誠業已次第就撫謹將布置情形

恭摺馳陳仰祈

聖鑒事竊 臣等於本年四月二十三日將先後攻破竹坑本武並

內外獅頭等社情形

奏明在案茲迭准總統准軍提督唐定奎報稱各軍攻克獅頭等社後仍分哨扼險拔木通途徐圖進取附近各社知負隅不足恃

天討不可逃五月初九日率芒社番目一名晉笏一名姑益翼一



名沙貝一名處雷一名姑鯁董的社番目名烏力烈南片社
 番目名姑令草山社番目一名土結一名管朗等率散番五
 十餘人到營乞降經該提督傳譯曉諭利害愈共震懾願求
 收恤當日均給衣履諸物該番等各跪戴而歸十二日枋山
 民有程古六者帶至內窳紋社番目野艾外窳紋社番目布
 阿里烟又有射不力社番目郎阿郎者帶至中紋社番目窳
 叻係周武濫社番目文阿蛋及散番等百餘人款營乞降該
 提督示約七條曰遵難雙曰編戶口曰交兇犯曰禁仇殺曰
 立總目曰墾番地曰設番塾以窳紋社首野艾向為諸社頭
 人拔充總社目統之著照約遵行所統番社如有殺人即著

總目交兇如三年之內各社並無擅殺一人即將總目從優
 給賞其獅頭社餘孽探悉窳伏何社即由何社跟交不許藏
 匿野艾及各番等均願遵約隨將坑社更名曰永平社本武
 社更名曰永福社草山社更名曰永安社內外獅頭社更名
 曰內外永化社脅從各社均許自新惟獅頭社罪大惡極漏
 者網不許復業所有內外永化社即著總社目另招屯墾以昭
 炯戒於枋寮地方先建番塾一區令社均送番童三數人學
 語言文字以達其情習拜跪禮讓以柔其氣各番聞之無不
 俯首帖服等因適臣凱泰本月十一日由省東渡十七日抵
 台與臣葆楨公同參酌伏思曩奉撫番之



命以獅頭社之變易撫為勦實出於萬不得已幸
天威所震頑族歸誠敢不仰体

生成傳之同託

幘蒙之下惟恆稜之性初就範圍不能不堅明約束俾先受我

羈勒後乃可徐與漸摩擬即如該提督所請按條寔力奉行

臣等^愚暹昧之見是否有當祇候

聖裁謹合詞恭摺由輪船內渡發譯六百里馳

奏伏乞

皇太后

皇上聖鑒訓示遵行再此摺係^臣蘇楨主稿合併聲明謹

奏

光緒元年六月十三日軍機大臣奉

旨

欽此



沈葆楨等片

再據^{臺灣}鎮張其光^夏台灣道處獻綸稟稱嘉義縣屬之三條
 崙布袋嘴一帶濱海地方私梟充斥時有搶劫情事本年四
 月間風聞布袋嘴之^新厝莊有匪徒聚^集眾當飭都司沈國先帶
 兵往捕竟敢抗拒致傷兵丁一名時張其光駐兵南路夏獻
 綸遂派管帶蘭軍中營提督高登^五管帶鎮海中營副將張
 逢春並前淡水同知向燾前往會同嘉義縣陳祚查拏四月
 十四日抵新厝莊^匪首蔡^顯老等先期逃匿北港^仔地方十五
 日官軍分路馳往傳令該莊將要犯網送詎蔡顯老等持械
 冲出高登玉率隊向前被該匪槍傷左腕左腿矛傷左臂左

國立故宮博物院
 NATIONAL PALACE MUSEUM



膝下勇丁亦受傷者五名高登玉奮勇直入當場格斃匪犯
兩名其一即匪首蔡顯老也各弁勇奪獲洋槍鳥槍十餘桿
矛械三十餘件餘匪散逸官軍等分路搜獲蔡波蔡歹等十
一名經陳祚^立時訊明蔡波蔡歹二名均係著匪搶犯無惡
不作^稟前經批飭就地正法其餘並飭逐一研訊分別詳辦在
逃各犯仍責成陳祚會營勒緝現在所有兵勇均已撤回地
方業臻安靜等因前來理合附片陳明伏乞

聖鑒謹

奏

光緒元年六月十三日軍機大臣奉

旨

欽此



國立故宮博物院
NATIONAL PALACE MUSEUM



沈葆楨片

再台北一帶迭經羅大春報稱自前隊開抵吳全城諸軍遂
 擬一路聯紮而入無如該處初闢之區叢莽積霧天日蔽一
 交夏令疫氣流行兵勇染病甚眾三月十九二十等日據統
 帶福靖綏遠為營旗都司周士得稟稱加扎宛之番咬動七
 劫川諸社背其老番乘我軍病疫為謀蠢羅大春集為社通
 事窮詰實情宣揚

國家威德切實曉諭乃息意心又見我軍方汰遣病羸添補精
 銳戒備森嚴逾形楊息撫大濁水得其黎新城一帶兇番仍
 不時出沒四月初七初八初九十二等日生番或十數人或

國立故宮博物院
 NATIONAL PALACE MUSEUM



百人伏途狙擊乘雨撲礮經為^路兵勇隨時零星擊斃且有生
 擒者勇丁亦陣亡十數名以後尚覺安靜此花蓮港以北之
 情形也花蓮港之南據周得^士稱日來派千總吳金標軍功
 陳輝煌外委陳陞等沿途招撫據吳金標譯造木水等五社
 大吧籠等二十社名冊陳陞譯造嗎噠噠等四社名冊通計
 二十有九社共丁口一萬七千七百一十九人內惟木水五
 社狡悍異常餘較馴善此花蓮港以南之情形也中路一帶
 據吳光亮報稱自三月初九日起至四月初八日止由茅埔
 越紅魁頭經頭社^仔坪過南^仔脚蔓至合水止統共開路四
 千六百八十八丈合計二十六里有奇遞建塘坊四座茶亭二

所大小木圍二座公所二座小營壘一座以便往來自四月
 初九日起^至五月初八日止大雨兼旬工程稍滯自合水起歷
 東埔社心走霜山橫排至東埔坑頭止共開三千七百九十
 丈合計二十一里有奇建塘坊三座石橋兩道本柵土圍公
 所兵房均已隨地建置以後當^再接續前進復僱工從牛輶^投轆
 旁開一道側接茅埔以便分達埔裏集集社蒙南^投為處使商
 旅時通卑南一帶署台防同知袁聞林現方招集屯丁建築
 碉堡為經久之計內埔崑崙崗諸也葛等處鎮^臣張其光仍
 駐營彈壓地方均稱安謐謹再合詞附片陳明伏乞

聖鑒訓示謹



奏

光緒元年六月十三日軍機大臣奉

旨

欽此

國立故宮博物院
NATIONAL PALACE MUSEUM

